

DE
VRINÆ SECRETIONE
ET EXCRETIONE,

QVAM

VELIFICANTE NVMINIS SVPREMI GRATIA
RECTORE VNIVERSITATIS MAGNIFICO
REVERENDISSIMO ET AMPLISSIMO DOMINO

DN. PLACIDO,

REGALIS MONASTERII S. S. APOSTOLORVM PETRI ET PAVLI ORD. S.
BENEDICTI INTRA ERFORDIAM ABBATE, PRÆPOSITVRÆ ZELLENSIS
ET IN FRANCKERODA AD VVERRHAM DOMINO, S. FACVLT.
THEOLOG. ASSESSORE PRIMARIO, ETC.

AVTORITATE ET DECRETO GRATIOSÆ FACVLTATIS
MEDICÆ IN PERANTIQVA HIERANA,
SVB PRÆSIDIO

LAVDATISSIMI ORDINIS MEDICI DOMINI DECANI ET SENIORIS

DN. D. HERMANNI PAVLI JVCHII,

SERENISS. DVCVM SAXO-VINAR. ET ISENAC. CONSIL. AVLICI ET ARCHIAT.
PATHOL. ATQVE PRAXEOS PROFESS. PVBL. PRIMAR.

PATRONI AC PROMOTORIS SVI COLENDISSIMI,

PRO LICENTIA

SVMMOS IN ARTE MEDICA HONORES AC PRIVILEGIA
RITE CAPESSENDI,

PVBLICÆ ERVDITORVM VENTILATIONI SVBMITTIT
AVTOR ET RESPONDENS

HENRICVS Winder/

Lipsiensis,

IN AVDITORIO MAJORI COLLEGII MAJORIS, HORIS CONSVETIS.

DIE XVI. NOVEMBRIS, MDCC XXIX.

ERFORDIÆ, Literis GROSCHIANIS, Acad. Typog.



I. N. J.

PROÆMIUM.



*S*apientissimus omnium rerum Archite-
ctus, Omnipotens Deus, qui corpus no-
strum humanum, ex duabus integran-
tibus partibus, solidis scil. & fluidis
constans, mirifice fabricavit; nobis
duos distinctos stimulos naturales, sitim
puta & famem indidit: Ille ad po-
tum assumendum invitat; nimirum ut perditum serum, cujus
singulis pene momentis jacturam facimus, instauretur, nec
non chyli elaboratio & distributio ut & fecum alvinarum ex-
cretio adjuvetur. Alter stimulus autem, famis nomine ve-
niens, & ad alimenta capienda impellens appetitumque ex-
citans, eum in finem nobis est inditus, ut alimentis non dun-
taxat ad satietatem vescamur, verum etiam ut hæc ad totius
corporis sustentationem & nutritionem cedant. Quibus ut
satis faciamus stimulis, alimenta, cibum & potum assumere,
illum dentium, maxillarum ac salivæ ope masticare & emol-
lire, utrosque autem lingvæ, pharyngis ac œsophagi impulsu
A 2 deglu-

deglutire & sic masticationis deglutitionisque beneficio ex angusto ore, per angustum pharyngem & angustiore œsophagum perpendiculariter in ventriculum deferre, nos oportet. Istic delata, lymphæ stomachalis beneficio & peristaltici, nec non diaphragmatis & musculorum abdominis motus ministerio, in minima resolvuntur, fluorem adipiscuntur & in succum laudabilem, chylum dictum, convertuntur. Hac actione, chyloficationis nomine veniente, in ventriculo absoluta, chylosa massa per declivius & inferius orificium, pylorum, in intestinum duodenum expellitur, in quo non minimam experitur alterationem, siquidem cum in intestinis summæ efficaciæ liquores, bilis nempe, succus pancreaticus & lymphæ intestinalis huic adspargantur, ut postea lacteum quendam liquorem constituent: Ex quo liquore particule laudabiles a feculentis secernuntur. Hæ, stercoris nomine insignitæ, statis temporibus per anum extra fines œconomiae animalis proscribuntur: Illæ autem in vasa primi generis lactifera percolantur, deinde in glandulas mesenterii conglomeratas devolvuntur, & postea per vasa lactea secundi generis, cisternam lumbarem & ductum thoracicum, in venam subclaviam sinistram ad sanguinem convehuntur, cum quo circulationis ministerio intime miscentur, tandem autem in totius corporis sustentationem & nutritionem cedunt, particulis excrementitiis minusque nobilioribus, vel per sudorem, & insensibilem transpirationem vel per Urinam excretis. De qua postrema secretionis & excretionis specie in hac Dissertatione inaugurali agemus, ante omnia Summum Architectum implorantes, ut nostris laboribus benedicere non dedignetur, quo sic in sui nominis gloriam, proximi autem emolumentum sedere queant.

SECTIO I.
DE VRINÆ DEFINITIONE ET
DIVISIONE.

§. I.

Dissertationem conscribentes plerumque de accurata definitione tum nominali, tum reali solliciti sunt, quod nos quoque utramque suppeditaturi, observabimus. Est autem vocabulum *urina*, ortu græcum, ab *ὑρῖν* fundere vel mingere, derivandum, & græce *ὑρῖς* dicitur, quod Latinis Græcos secutis sub *Urinæ* nomine, Germanis autem sub titulo *der Harn*, *das Wasser*, *der Urin* venit: Alias etiam *Lotium* *Excrementitium*, *Serum Urinosum*, & a Theophrasto Paracelso, (uti Valentinus Kräutermann (a) annotavit) *Nitrum Microcosmi*, seu omnium *Salium*, *Sulphurum* & *Mercuriorum Excrementum* appellatur: Nihil aliud autem est, quam humor excrementitius, mediantibus renibus a sanguinis sero secretus, & in vesicam urinariam delatus, in qua ad tempus retinetur, demum autem, ad massam sanguineam, imo, universam œconomiam animale a variis quisquiliis & superfluis particulis repurgandam exonerandamque, per urethram statis temporibus excernitur, & aqueis, salinis, terrestribus, sulphureisque particulis constat.

§. II.

Plurimi Physiologorum, urinam in potus & sanguinis urinam dividunt, persuasi, illam a potus, hanc vero a sanguinis superfluis serosis & aquoso-salinis particulis originem trahere: quam minus accuratam & falso fundamento nitentem divisionem, (uti infra dicenda docebunt) lubenter missam facimus, & potius rem ipsam, i. e. *Urinæ secretionem*, & quidem ante omnia organorum & instrumentorum huic actioni inservientium, renum puta historiam & descriptionem contemplandam aggredimur.

(a) in Tract. curienser und vernünftiger Urin-Art in scripto pag. 3.

SECTIO II. DE VRINÆ SECRETIONE.

CAP. I. DE RENIBVS.

§. I.

CAspar Bartholinus (b) asserit, Erasistratum & Asclepiadis sequaces renes a natura frustra conditos esse, Aristotelem (c) autem nullam eas aliam necessitatem habere, quam ut corpus melius sit & locupletius, existimasse. De quorum priore tamen Galenus (d) testatur, illum affirmasse, urinæ separationem per renes fieri, quemadmodum autem fieret omisisse: Quod etiam A. Ottom. Gœlicke (e) de Erasistrato sermonem faciens, confirmat, dum scribit: Quoad secretionem in renibus Hippocrati contradi-
xit, qui per modum attractionis illam fieri credidit; Nostro
e contra placuit, partes, quæ supra renes sunt, purum acci-
pere sanguinem, aquosum vero eo, quod gravis sit, degra-
vare ac pessum fluere; Hunc autem in renibus percola-
tum, ubi redditus sit utilis, iis quæ infra renes sint, parti-
bus mitti &c. Hinc apparet Erasistrato renum usum non
latuisse; Quantumvis his posterioribus ignotus fuerit, quip-
pe quorum sententiæ veterum ignorantiam sapientes, a ve-
ritatis tramite quam maxime recedunt, imprimis cum ra-
tio & experientia doceant, Sapientissimum Creatorem ni-
hil sine fine condidisse.

§. II.

Olhasius, Olaus Wormius & Sennertus contra, re-
nibus præparationem seminis attribuunt; quorum po-
stremus quamplurimis argumentis hypothesin suam fir-
mare

(b) in Institut. anatomic. p. m. 99.

(c) Libr. III. Cap. VII. de partibus animalium.

(d) Libr. I. De naturalibus facultatibus.

(e) Historia Medicinæ universalis p. 896.

mare conatur. Provocat enim primum ad sacræ scripturæ autoritatem, aliquot citatis locis. (f) Ubi quando Deus renes & corda scrutari dicitur, per renes pravæ libidines & cupiditatem rei venereæ intelligi, non paucos Theologos censere monet; Ad hoc autem primum Sennerti argumentum Nath. Highmorus (g) recte sequentem in modum respondet: Dum Deus dicitur renes scrutari, ab Anatomicis id aliam subire interpretationem credendum scilicet. Deum occulta omnia cognoscere & rimari, ita ut ne renes, qui non tantum in obesibus, sed pene omnibus pinguedine occultati, ejus aspectum fugiant, præterea multa in scripturis metaphorice dici, atque sic lumbis & cruribus etiam generationem attribui; nec tamen dicendum esse, crura aliquid ad generationem facere. Secundo Sennertus renibus peculiare parenchyma competere ait, & cum reliquis viscerum carnibus concoquendi peculiaris vis attribuitur, eandem nec renibus denegandam esse infert; Tertio arteria emulgente tam ampla haud opus fuisse suspicatur, si tantum serosum expurgarent humorem, renes; Quarto notat, saporem & odorem in animalibus non castratis, per universum corpus se se diffundentem, maxime in renibus & præcipue adulatorum persentiri, in novellorum ac teneriorum quadrupedum renibus, foeminas nondum ineuntibus, minime deprehendi; Quinto ex Oribasio (h) facta seminis suppressione & retentione renes male affectos fuisse memorat; Sexto in Gonorrhoea, lumbis medicamenta ad semen imminuendum atque alterandum applicari demonstrat. Septimo inter signa renum calidiorum, medicos propensionem ad libidinem, somnia libidinosa & pollutiones nocturnas recensere testatur. Demumque Octavo vasorum præparantium originem sententiæ suæ favere suspicatur, nam si simpliciter sanguinem

(f) Psalm. VII. v. 10. Psalm. XXVI. v. 2. Jerem. Cap. XIV. v. 20, Cap. XVII. v. 10. Cap. XX. v. 12.

(g) Disquisit. anatom. L. I. Part. II. Cap. 4.

(h) Libr. VI. Collect. Cap. 38.

guinem illa ad testiculos deferre deberent; potuissent priori loco deduci, non vero per tam longas ambages, partim ex ipsis emulgentibus, partim prope emulgentes originem sortiri, hoc ergo indicio vult esse certus, vasa ista in ipsis renibus elaboratum aliquid accipere & ad testes deferre.

§. III.

Hæcce autem argumenta sequentem in modum removeri possunt & quidem secundo regerendum, structuram renum peculiarem omnino ad feri urinarii secretionem, necessariam fuisse, tanquam usum ipsis peculiarem, concoctionem vero naturæ ignotam esse; Tertio arteriæ emulgentis amplitudinem sanguinis & feri affluentis copiam exegisse reponendum; Quarto odorem & saporem in adulatorum venere utentium renibus obvium, a seminali materia pervenire, negandum, cum uterque falsugineis sulphureisque remixtis potius debeatur feri particulis, intra tubulos renales relictis, in animantibus a veneris illecebris sibi vel sponte vel coacte temperantibus ideo minus notabilis, quo minus eorum sanguis, cum vehiculo suo seroso, moleculis falsis explicitis imbutus est; Quinto seminis suppressio & retentio, si unquam male affecisset renes, ideo forte id evenisse credendum, quod diutius retentæ portiones seminales acriores redditæ, & a venis reliquisque vasis reabsorptæ, ac sanguini reaffusæ, & deinde sub circulari motu per arterias emulgentes renibus oblata, acrimonia sua noxam iisdem intulerint; Sexto, medicamenta in gonorrhœa regioni lumbari, non in gratiam renum, sed potius sanguinis in trunco aortæ ibidem descendente contenti, admoventur, quo illius orgasmus & calor immodicus sedetur, priusquam in arterias spermaticas inde enatas ad testiculos epididymidesque irrumpat; Septimo monendum, ex propensione ad libidinem somniisque libidinosis renes calidiores conjici quidem posse, sed longe alia, quam Sennertus supponit, de causa, nempe quia ejusmodi indicia sanguinem arguunt insigniter spirituosum,

sum, elasticum, acrem & fervidum, qualis dum renes alluit, caloris quoque uberius fomentum subministrat; Octavo tandem ex origine vasorum præparantium, nullum plane renum cum testibus commercium, demonstrare licet, quoniam arteriæ non ex renum corpore, sed ex aortæ trunco, vel ex emulgentibus, ante ingressum in renes, sanguinem recipiunt, venæ autem, ita approbante valvularum situ sanguinem ad cavæ truncum revehunt; uti Joh. Walæus jam dudum annotavit & ex anatomia constat.

§. IV.

Restat ut etiam Beverovicii, de renum usu opinionem consideremus. Ille his sanguificationem quandam tribuit & quidem primo, quod parenchyma & plurima vasa habeant: Sed veterum parenchyma merito exploditur. (i) Vasa autem eum in finem copiosa habent, quo serum copiose expurgaretur; ita, ut plurimis minimisque ostiolis serum ad carunculas sine sanguine emitteretur. Secundo, quod, qui in sanis rubri, clari, solidi; pro morbi specie, modo obscuri, & subnigri, modo sub albidi inveniuntur, interdum laxi & fragiles & quasi putres, interdum duri & aridi: Hoc autem potuit contigisse, quod, ut reliquæ quædam partes, ita & ipsi renes ægrotaverint, aut, quod ante morbum læsa alibi concoctione, bono nutriri sanguine non potuerint. Tertio, quod crudæ calculosorum sint urinæ; sed ejus rei aliam vulgo reddere causam solent, quod obstructis renibus tenuiora tantum queant exire. Quarto, quod, quasi ex Leucophlegmatia, calculosi tumeant & pallescant, verum id facile contigerit, quod a debilibus aut obstructis renibus debite haud possit expelli. Si tamen is asserere velit, circulationis beneficio, sanguinem in renibus majorem quam in simplici vase alterationem experiri, neminem habebit adversantem, imprimis, si contemplemur, hunc non solum a quam plurimis quisquiliis repurgari, verum etiam per minimas arteriolas, vermiculari ductu

B

ctu

(i) Vid. §. præcedens.

Et perreptantes, trajectus, omnino attenuari. Remotis itaque removendis, ipsam renum historiam & verum usum, qui in urinæ secretionem consistit, examini subijciemus.

§. V.

Renes ad non nullorum mentem a fluendo nomen adepti (quod per eos urinæ materia fluat) Græcis νεφροί, quasi mingentes appellantur; Numero bini sunt conditi, nimirum ut non solum ingens seri secernendi copia segregetur, & hæc actio celeriter perficiatur, verum etiam ut alter in alterius vel languentis, vel morbo afflicti, vel deficientis subsidium veniat, & tunc suppetias necessarias ferre queat: Quamobrem Beverovicio non condescendendum, arbitrantur, uno Rene affecto, alterum quoque urinam non expurgare; Contrarium enim apparet in iis, quibus Ren alteruter tantum calculo grandiori, obstruitur, aut ulcere consumptus est; Quod præterea quoque in aliis partibus observatur, uno v.g. oculo læso, alter videt, consumpto omni pulmonis lobo, alter nihilominus respirat, nisi forte utraque pars a communi causa afficiatur.

§. VI.

Hæcce organa phaseoli aut si mavis folii asari expansi figuram repræsentantia, exterius gibbosa, interius ad ingressum & egressum vasorum nonnihil concava & fima, inter duas peritonæi membranas aortæ & cavæ lateribus accumbunt, ac in regione lumbari juxta ultimas costas; minime tamen καὶ διάμετρον locata sunt; Cum dexter ren sit inferior, jecori amplius spatium desideranti, cedat, eidemque nec non intestino cæco vicinia sua appropinquet; finister contra elatior lienis ac coli confinia attingat.

§. VII.

Membranz renes investientes sunt duæ, quarum extrema laxè eosdem ambiens, fascia renum seu adiposa audit, quoniam plerumque ad molliorem situm, & ubi renes intrat pelvimque obtegit ad falsedinem seri demulcendam & renum calorem servandum copioso adipe circumfunditur, atque

atque pro peritonæi propagine habetur : hæc ipsa peculiarem obtinet arteriam, quæ adiposa nuncupatur & originem ab aorta plerumque ducit, venam vero ejusdem nominis emittit, quæ in dextro latere plerumque ad emulgentem in sinistro vero ad venam cavam excurrit. Hujus interim membranæ ministerio, renes utrique lumbis & diaphragmati, ac præterea dexter cæco intestino & quandoque hepatis, sinister vero lieni & colo nequitur. Interna autem tunica, densa satis crassaque immediate & arcte renum substantiam succingit.

§. VIII.

Vasa renum sunt vel adducentia, vel abducentia : ad illa arteriæ spectant : hæc renales, emulgentes ab officio forsitan dictæ, immediate ex lateribus aortæ educuntur, sinistram renum regionem subintrant, & in minutissimos ramulos divisæ, vermiculari sive serpentino ductu externam & internam renum substantiam pervadunt, uti præclare ante oculos posuit Ruyschius. (k) Ad eandem classem referri merentur nervi, ortum a plexu renali, a ramulis nervi intercostalis composito, trahunt, & arteriam vaginæ in modum ambientes, una cum ea per renum substantiam distribuuntur; dumque plexus iste renalis per intermedias a se amandatas propagines cum plexu mesenterii maximo intestinis prospiciente communicat, non mirum, nephriticam colicamque passionem aut se invicem comitari, aut ad minimum non nisi probe pensitatis circumstantiis tam prompte ab invicem haud discerni; Ad hæc, quoniam idem plexus renalis propaginibus aliquibus stomachi vesiculæque felleæ nervis implicatur, facile patet causa, cur paroxysmus nephriticus nauseam bilemque movere, & vomitum concitare quandoque soleat?

§. IX.

Ad secundam classem pertinent venæ, ex minimis ramulis, pariter serpentino ductu reptantibus, in ramos majores

(k) Thes. Anatom. IV, Tab. I, Fig. 2.

res & tandem in insignem truncum coalescentes, qui ex
 sima renum parte emergit & venæ emulgentis seu renalis
 nomine veniens in cavam inferitur; In his observantur
 valvulae, non ad Bauhini mentem regressum feri in cavam
 prohibentes, sed impediētes, quo minus regrediens san-
 guis in renes refluere queat. Ad sunt tandem inter vasa,
 etiam lymphatica a summis arteriolarum apicibus origi-
 nem trahentia, & ex concava seu sima renum substantia
 prodeuntia, & modo supra, modo infra venam emulgen-
 tem procedentia mutuis hinc inde inosculationibus seu
 anastomosibus semet excipientia, demumque inter media
 prius glandula in transitu tacta ad receptaculum chylife-
 rum desinentia; quibus annumeranda singulari studio
 CL. Nuckii demonstrata alia vasa lymphatica ex gibbosa
 renum parte emergentia in geminum truncum mox
 cœuntia, quorum alter superiora versus, alter versus infe-
 riora renum dorsum perreptando facto hinc versus vasa
 emulgentia fluxu, glandulam subingreditur intermediam,
 & ultimo ad eandem cum prioribus terminatur metam.
 Ut adeo renes sanguinem ad ipsorum substantiam nutrien-
 dam & serum urinosum secernendum per arterias, spiritus
 animales per nervos, per venas autem sanguinem, sero
 excrementitio deposito, ad venam cavam, & per vascula
 propria, lympham ad receptaculum lumbare remandent.

§. X.

Et quoniam ureter quoque vasis munere fungitur,
 non incongrue ad illa refertur; est autem non nisi pelvis
 continuatio, utpote cujus membrana sc. adiposa in cana-
 lem teretem angustatur, qui obliquo ductu supra muscu-
 lum Psoas ad vesicæ posteriora descendit, in quam non
 procul a collo obliquo ductu inferitur. Constat vero ad
 mentem Bidloi tribus membranis, quarum extima com-
 munis ex fibris longitudinalibus contexta & multo adipe
 obducta. Substrata obliquas & alternatim se interfecan-
 tes, & interior laxiores obtinet fibrillas, quibus hinc inde
 glandulae rotundae, mucum interiorem ambitum lubrican-
 can-

tem suppeditantes exiles interspersæ sunt; ut adeo ureteres se se per vices constringere, & urinam non solum naturaliter, sed & præter naturam ingratum & inclusum hospitem, calculum, ob angustias interpolatas moram necsentem, ad vesicam deturbare possint: illi ipsi porro vasculis, pro vita, nutritione & motu, requisitis gaudent, arteriis atque venis exilibus a vasis imminentibus propinquis & a Ruyschio (l) delineatis nervulis vero a paris intercostalis renali plexu & lumborum medulla eo usque exporrectis. Cæterum tribus quatuorve locis ureter angustatur, præcipue vero ubi in vesicam implantatur. Cui implantationi, annotante Bartholino, (m) membranula transversa instar valvulæ est prætensa, quæ ureterum introitum occludens, impedit, quo minus urina regredi queat; hinc ne flatum quidem vesica inflata & ad cervicem arctata, immittit.

§. XI.

Explicatis renum vasis ad ipsorum substantiam propriam exponendam progredimur. Plerique veterum eam parenchyma ob rubedinem credentes, eandem densam valde compactamque pronuntiabant, quæ fabula tamen hodie merito exploditur. Ad Bellini (n) autem mentem e canaliculorum & capillarium meatuum, instar fibrarum, oculorum conspectum subeuntium, a superficie ipsorum externa (ubi rubent) ad cavum usque pelvis (quo serum urinarium effundunt ibidemque albescere incipiunt) exporrectarum, congerie constant; uti loco allegato additis aliquot figuris erudite demonstravit. Quibus canaliculis & capillaribus meatibus Marcellus Malpighius (o) glandulas, organa veluti secernentia, plurimas interspersas esse, refert; quarum aliæ externæ, sub membrana renum propria arteriarum extremis propaginibus adhærescere, lobulosque filis tendineis sibi invicem adhærentes efformare;

B 3

aliæ

(l) Loco allegato.

(m) Institut. Anatomic. p. m. 104.

(n) Exercitat. de structura & usu renum.

(o) Exercitat. pecul, Cap. 2. & 3.

aliæ internæ, adaperitis per longum renibus, inter tubulorum fasciculos & interstitia innumera fere observari, & a vasorum sanguiferorum extremitatibus pendere deberent. Quantumvis hanc hypothesin glandularum Patroni variis experimentis argumentisque stabilire intendant, horum tamen sententiæ nunquam subscribere possum non solum eorum dissensum in designando harum glandularum situ diligenter perpendens; (alii enim præter Malpighium existimant, eas externam renum substantiam saltem componere, alii vero referunt, eas lateribus tubulorum saltem accumbere) verum etiam mecum considerans, adductas imaginarias glandulas, non nisi annot. Ruyschio (p) apices ramo-

-
- (p) Thes. anatomic. II. p. 69. Et, quo nostra de renum substantia opinio clarior reddatur, ipsa Autoris verba, quibus occasione explicationis Fig. II. & III. Tab. 4. in not. usus est, inserere placet. Interim, inquit, ut antea monui, talem verminiformem reptatum arteriolarum non solum in superficie renes observavi, sed in interiore renis substantia numerosissimi quoque reperiri, sicuti in Thes. IV. repræsentare decrevi; in hac autem figura præcipue studui continuationes arteriolarum cum ductibus Bellini exhibere. Circa hæc continuationes considerandum quoque hæc arterias antequam in ductus Bellinos degenerant, ceu porosas hic apparere, sicuti Tab. IV. Fig. 3. demonstratur, de his plura in Thes. IV. descriptione. Et Thes. III. p. 39. sequentibus, inquit: Cum replerem arteriam renalem, ceracea rubra, simul quoque replebantur ductus urinosi Bellini, & hoc mihi ansam dedit dubitandi de glandularum existentia in renibus humanis, in brutis quidem non raro observo corpuscula rotunda, glandulas miliares æmulantia, verum illa pauca sunt, & nondum mihi persuasum habeo, ea corpuscula veras esse glandulas, ad urinæ secretionem destinatas, quandoquidem in corpore humano ea non satis aperte reperiō, sed contra, vasculorum sanguineorum extrema tamen mirifice sunt contorta & circumvoluta, ut Fig. III. Tab. IV. Thes. 3. demonstratur. Has autem circumvolutiones vasculosas, si quis pro glandulis habere velit: Resp. hoc minus caute fieri, quandoquidem glandulæ authoribus audiant corpora vel corpuscula per se subsistentia membrana peculiari obducta, ad quæ vasa sanguinea alluunt. Si autem præter supra dicta vascula circumvoluta, alia quædam corpuscula rotunda quoque reperiuntur in renibus humanis, quod non plane nego, quamvis non satis distincte inveniam; forsan in alium usum destinata erunt. Dixi supra,
- cum

ramorum arteriosorum vermiculari ductu reptantium, & papillares carunculas esse, perperamque pro veris glandulis haberi: Quamobrem potius in Celeberrimi & Oculatissimi Ruyschii sententiam ire contendo, qui substantiam renum propriam ex meris tubulis urinariis compositam & horum ortum immediate ab arteriis derivandum esse clare ostendit: atque hi ipsi canales a peripheria centrum ver-

cum replem arteriam renalem hujus renis, simul quoque repletos fuisse ductus urinosos Bellini: Noli autem existimare mihi hoc solum esse contigisse in hoc rene, ast in omnibus renibus observavi, dicta vascula simul repleti, ita ut credibile non sit, hoc ita fore, si ad urinæ secretionem primo glandulas minutissimas alluere deberet sanguis, ut in hac repletionem, nostra ceracea materia. Præterea hic vobis conspiciendos offero renes, in quibus continuationem arteriolarum cum ductibus Bellini videre licet, & hoc certe irrefragabile argumentum esse mihi videtur. Deinde pag. 41. pergit: Quomodo jam sanguis venosus refluat ubinam venæ laticem suum refluxum sortiantur, an hoc per anastomoses invisibiles, antequam in ramusculos exeant arteriolaræ, & in ductus Bellinos degenerant, an omnes extremitates arteriosæ in ductus Bellinos mutantur, an secus? observare nequeo. Oculi mei non adeo Lyncei, ut hunc nodum solvere queam. Hoc tantum existimo, haud frustra esse, quod vasa sanguinea tam mirifice sint contorta & circumvoluta, ut nusquam reperire sit in toto corpore, ut hic Fig. II. & III. Tab. IV. Thes. 3. exhibetur & domi meæ cœlo sereno demonstro, & sic puto totum illud negotium, quod glandulis renalibus adscribitur, perfici & dependere a reptatu & constitutione peculiari extremitatum vasculorum. Consideret quoque B. Lector, in testiculis humanis, nullas reperiri glandulas, totumque opus a vasorum constitutione dependere, idemque observari in noviter a me inventis vasculis uterinis, succum foetui alendum aptum, conficientibus, de quibus agere cœpi in Thes. 2. ne dicam de Chymericis glandulis Lienalibus, Hepaticis &c. quarum existentiam nusquam reperire licet. Considerandum præterea, quamvis in Fig. II. Tab. IV. Thes. 3. circumvolutiones vasculorum sanguineorum in renis dorso repræsententur, illas quoque densissimo agmine esse confitas parte interiore, imo ad papillas ipsas, & hoc sculptor exprimere non potuit, sine obscuratione ductum, qui in hac figura exhibentur; illud autem distincte repræsentabo, ubi devenero ad Thes. 4. in qua renes humani bissecti, conditi & exsiccati reservantur, in quibus hoc luculentissime apparet; & hoc est, quod sæpius dixi, præparata esse conficienda non solum liquida, verum etiam sicca pro ratione objecti, demonstrandi.

versus tendentes, dum angustantur & in fasciculos veluti colliguntur caruncularumque papillarum faciem induunt pluribus orificiis in pelvim hiant, non ab similem in modum ac in papillis mammarum variis foraminulis pertusis animadvertimus.

§. XII.

Ad hanc nostram opinionem corroborandam, multum refutatio argumentorum & experimentorum, quibus illi glandularum existentiam probare conantur, faciet. Ante omnia autem autoritate Hippocratis nituntur, existimantes, ipsam (q) renalium glandularum mentionem fecisse: Utrum autem huic, scribenti *habere etiam renes glandulas* ipsæ illæ glandulæ fuerint visæ; haud immerito dubitandum, quia addit majores etiam hac in parte quam alias existere, id quod avtopsiæ repugnat, ut ideo vel de renibus succenturiatis verba hæc interpretari æquum sit, aut statuendum, Hippocratem, quam ipsam rationem ibi quoque affert, quoniam renes multa humiditate exsatiantur, glandulas non visas, saltem præsupposuisse. Porro provocant ad Bartholomæum Eustachium (r) glandulas in brutis verbis disertis indicantem: habere scil. renes glandulas in eorum substantia elegantissime exsculptas, quæ quidem in exteriori atque interiori quorundam animalium parte, cujusmodi ursi sunt & boves, perspicue cernantur. Licet prætracte haud obganniam, animalium brutorum renes, glandulis quibusdam gaudere, (s) minime tamen concedo, consequentiam a bruto ad hominem valere; Quod autem ad provocationem, ad alterius autoritatem perrinet, hæc est vana, errare enim humanum est, quid quod nostram sententiam quoque per multi veterum amplexi fuere, quippe non solum Bellinus illius fere opinionis fuerit, uti ex supra dictis constat, verum etiam

Casp.

(q) Libello de Glandulis Num. IV.

(r) Opusculis anatomicis superioris seculi anno 64. editis Tractat. de renibus Cap. II.

(s) Vid. Ruysch. Not. (p) allegatus.

Casp. Bartholinus (t) de tubulis urinariis sermonem faciens, inquit: „Ureteres in progressu intus non attenuantur, ut alia vasa, sed ramorum instar fistularum fines habent latas & apertas, excipientes carunculas nonnullas. „Carunculae hae sunt instar glandularum (*minime autem glandulae*) minus coloratae & duriores reliquo carne. Primus eas Carpus invenit, quamvis Rondeletius se primum inventorem ait, & mamillares vocat processus: alii papillares carunculas appellant, quod papillis mammarum simillimae sint, pisi sunt magnitudine superius latiusculae, inferius convexae, & perforationes habent angustissimas, ut vix capillum admittant, qui sulci & canaliculi observantur, si secundum longitudinem renes secentur. Ex his allegatis etiam apparet, has carunculas a nonnullis pro glandulis, tubulis renalibus interspersis haberi.

§. XIII.

Ipse Malpighius rerum anatomicarum alias haud expers, glandulas suas non solum injectione nigri liquoris spiritu vini permixti, clare ante oculos ponere, verum etiam eandem renum structuram monstroso quodam, quod in juvenis cujusdam illustrissimi cadavere observatum in epistola quadam ad Sponium exarata, prohibet, illustrare arbitratur. Cujus renis sinistri exigui mole exterior facies (secundum ipsius mentem) ex glandulosis folliculis quasi in racemum congestis, coagmentata videbatur, qui singuli, vasis sanguiferis irrigati, longioribus vasis excretoriis, ex quibus alias renum caro componitur, destituebantur, pelvim immediate magis aut brevissimis tantum ductulis connexi. Ren dexter illo longe major in insignes (juxta ipsius opinionem) glandulas instar vesicularum urina turgidarum exterius protuberabat, imo similes glandulosa vesiculae congeriei vasorum excretoriorum solito latiorum interferebantur. Quod autem primum ad injectionem attinet, haec nobis nihil aliud nisi immediatam

C

origi

originem tubulorum ranalium a ramis arteriosis vermiculari ductu reptantibus & summos arteriolarum apices perperam a Malpighio pro veris & exilissimis glandulis habitas detegit, licet etiam omnibus encheiresibus ab eodem, loco allegato, commendatis utamur. Monstrosos vero renes quod spectat, in iis glandulosi folliculi in racemum congesti arteriarum & tubulorum urinarium fasciculos a sanguine & urinoso stagnante sero inflatos fuisse suspicatur; præprimis cum in quibusdam posteriorum loco feri cruor repertus fuerit, vel propter impeditum per venas recursum, vel laceratas arterias & ureteres.

§. XIV.

Tandem quoque beatæ memoriæ Bohnius ad vasculofo-glandulosam renum texturam evolvendam probandamque, sequens experimentum adornari & renem ex cipulo Machinæ Boglianæ includi ac post aëris exantlationes ac aquæ aliquam per arteriam receptionem atque incuniationem tubulum hujus probe obdurari jubet: Sic enim paucis diebus intra vacuum particulas renis a rare facto nimis aëre evolutas atque distensas, sponte quasi secessuras esse, ut immisso postmodum flatu manifestius compareat, membri hujus molem ex vasculis infinitis cum appensis glandularum acimis conflari. Hoc experimentum feliciter succedit, & nobis renum substantiam omnino evolvit, nullas autem glandulas sed saltem papillares carunculas, quæ fortassis auctori sub nomine glandularum acinorum venêre, ostendit. Et ut brevibus me expediam, elutus ren, tubulus renales a pelvi ad extimam usque superficiem citra interjectas glandulas protensas, demonstrabit.

§. XV.

Antequam, explicatis renibus, ad materiam, ex qua liquor excrementitius, urina præparatur, progressum faciamus; de nonnullorum veterum cribro benedicto quædam proferre lubet. Finxerunt autem quidam ex iis, in renibus duas cavitates, secundum longitudinem sitas, unam supremam, in quam serosus sanguis ex emulgentibus arteriis

riis effunderetur, alteram infimam, quas transversa quædam membrana, instar cribri angustissimis foraminalis pervia, distinguere putabatur; unde colatorium vocarunt, & benedictum cribrum, per quod serum in ureteres percolari, sanguinem vero probum, pro renum nutritione remanere voluere. Hæc autem antiquorum somnia cum avtopsiæ contradicant a Vesalio recte rejiciuntur. Quantumvis & hic easdem cavitates, quales in canino rene cernuntur, in humano quoque retinens & hominis & ovis renes ob pinguedinem secari prohibens, quam maxime hallucinetur.

CAP. II.

DE MATERIA VRINAM SUPPEDITANTE.

§. I.

ORdinis jam jubet ratio, ut materiam urinam suppeditantem contemplemur. Hæc est sanguinis pars serosa arteriarum emulgentium ministerio adfecta, utpote ex qua ramenta salinarum terrestrium ac sulphurearum particularum cum copiosis aquis separantur. Seri itaque non sanguinis excrementum urinam esse, nemo facile in dubium vocabit; præprimis vero si proportionem illam ruboris ad serosam & gelatinosam sanguinis substantiam probe consideret, & diligenter perpendat, moleculas sanguinis rubicundas in statu naturali vix adeo prompte deliquescere, ut urina excerni queant. Quamobrem illius aquosior portio serum puta, postquam vehiculi munere functa, gelatinosa substantia exuta, cum particulis quibusdam totius massæ salino-sulphureis per renes transcolata odorem, saporem similesque affectiones, hincque nomen mutat ac urina evadit atque appellatur.

§. II.

Serosam itaque sanguinis partem urinæ materiam sup-
 peditare indigitavi. Unde autem hoc serum & particulæ
 ipsi innatantes originem ducant, jam dum breviter explica-
 bo, inferens : Urinam præter alimentorum potulentiam
 partem non raro etiam quasdam salino-sulphureas alimen-
 torum solidiorum particulas sibi intra ventriculum inco-
 ctas gerere, hinc saturatoris coloris ac spissioris consi-
 stentiæ prodire atque contenta simul solidiora oculis siste-
 re. Est itaque urina productum serosæ sanguinis partis,
 quod serum, aquosas, salinas, sulphureas terrestresque par-
 ticulas excernendas ex omnibus coctionibus & digestio-
 nibus accipit; Serum enim quævis alluens ac transfluens
 etiam particularium coctionum heterogeneitates & exsu-
 perantias deradit, imbibit secumque ad urinæ secretoria
 abripit.

CAP. III.

DE IPSO SECRETIONIS ACTU.

§. I.

Materia sic explicata, ad renum verum usum, i. e.
 ad ipsum Urinæ Secretionis Actum & modum
 contemplandum, nos accingimus: Ex antea vero
 dictis constat, ab arteriis renalibus, in minutissimos ramu-
 los divisis & vermiculari ductu externam & internam re-
 num substantiam perreptantibus, tubulos Urinarios imme-
 diate ortum trahere: Quot itaque tubuli renales, tot sunt
 veluti filtra naturalia, per quæ particulæ serosæ, ipsius mas-
 sæ laxius cohærescentes, i. e. excrementitia sanguinis pars,
 seorsim & libere transcolatur aliundeque transfertur, re-
 liquo sanguine per venas patulas ad cavam redeunte.
 Quippe illorum Diameter adeo est angustus, ut non nisi
 serosam partem admittat; ad quam actionem simul facere
 videtur, serum poros tubulorum occupans, utpote cui ex
 sanguine, per minutissimos ramulos progrediente & trans-
 gre-

grediente, consimilis naturæ particulæ accedunt, quæque pedetentim per tubulos urinarios colantur.

§. II.

Hanc nostram hypothesein aliorum errores & dubia perlustrando reponendoque, clariorem reddemus. Licet enim illa scholarum vetus sententia, quasi renes per facultatem attractricem & electicam, serum a sanguine avellant, jam dudum explosa fuerit, quatenus, nullam attractionem in rerum natura dari, sana philosophandi ratio doceat, & certum maneat, humorem urinosum, a serosa sanguinis massa, percolatione quadam in renibus, pari circiter ratione, ac dum idem ex arteriis ad glandulas pro Lachrymarum Salivæ &c. materia deponitur, ac per harum lymphatica excretoria eliminatus, secerni: Controvertitur nihilominus inter Autores, an hæc seri urinosi excretio, ab organica tantum renum conformatione sit expectanda, & an non aliæ functiones adiutoria seu ministræ simul concurrant.

§. III.

Helmontius enim & Tachenius, coctionem seu digestionem aliquam, ad hanc separationem facere putant, & peculiare fermentum stercoreum & lotii putrefactivum supponunt; Item Moebius ac Sylvius, cuncti præter separationem lotii, materiæ transmutationem insuper intra viscus hoc tribuentes, ita ut Urinam materialiter quidem in massa sanguinea concipiant, formaliter tamen in renibus demum fieri, asserant. Quatenus 1.) morbi renum diversi ☐a productionem, modo inhibeant, modo depravent: 2.) Serum & materia potulenta in renibus peculiari fœtore ac sapore imbuantur: hisque 3.) cuilibet animalis speciei propriis, & 4.) in iisdem quoque subjectis, quorum serum sanguinis insipidum, semper nihilominus velut plurimam ☐a observetur salsa, adeoque falsedinem hanc in renibus recipiat. Huic tamen dogmati multi Autores reponunt, respondendo ad primum, quod renum morbi, quicunque fuerint, Urinæ secretionem quoque laedant, ita ut ab horum noxa non statim ad digestionem seu immutationem

quandam argumentari liceat; ad secundum 1.) non omnem fœtorem a putredine dependere, nec 2.) odorum inductiones semper immutationem renum exigere, cum particularum tantum dislocatio odores mutare queat, imo sapores quoque non raro a particularum constituentium divulsione & aliarum adaptatione excitari. Quoad tertium vero cuilibet animalis ☐æ specificus quod contingat sapor & odor, habent hoc ab alimentorum potius, quam specifici fermenti renalis varietate. Ultimo & quarto ☐is abundantia non linguæ patescit, v. g. in vegetabilibus, ex quibus nihilominus in notabili quantitate illud elicitur: Salsa proin magis observatur ☐a quod gelatinosam substantiam illa deposuerit; quemadmodum serum etiam intra vasa effœtum ac diutius sine novi chyli subsidiis circulatum semper salsum magis deprehenditur, hincque in uno eodemque subiecto sapor ejus pro temporis varietate variat.

§. IV.

Alii fermentum, non equidem transmutatorium, sed præcipitatorium, renibus tribuunt, v. g. du Hamel (u) quod pari ratione laticem serosum a cruore separet, ac lac in serosam & caseosam substantiam taceffat: ideo præprimis quod Diuretica simul etiam lac coagulent, adeoque quia sanguinem plus præcipitent, largum ☐æ profluvium interant. Ast theoriam hanc non immerito obscuram Borellus proclamat, quæque ex familiari Chymicorum philosophandi methodo oriatur, quibus satis foret, vocabulis illis metaphoricis fusionis & præcipitationis gloriari, licet de modo & ratione mechanica, qua talis fusio & præcipitatio celebretur, non adeo solliciti sint. Vel ideo siquidem admitti nequit, quod quæ lac in partes secedere jubent sine concretionem alterius a sero substantiæ nunquam agant: diuretica vero tale jus coagulatorium in sanguinem non habeant, nec sine totius brevi interitu habere possint; unde

(u) de Affect. Corpor. Lib. II, Cap. 3.

unde qui per venam emulgentem refluit non magis con-
gruatus observatur, ac quem reliquæ corporis venæ
fundunt, quod ipse hujus dogmatis Autor attendisse vide-
tur, dum quæ lacti coagulationem inducere modo dixe-
rat, sanguinem fundendo ☐am præcipitare afferit.

§. V.

Iterum alii v. g. Willisius (v) & beatæ memoriæ Ett-
mullerus (w) has similesve inconvenientias prævidentes,
non sanguinem præcipitans, sed fundens, renibus affingunt
fermentum: quod naturæ alcalicæ, lixiviali rancido odore
atque sapore se prodat, & sanguinem ad coagulandum alias
aptissimum, ad fundendum vero & serositates multas ex-
solvendum minus habilem, deliquet & hujus partes sero-
sas ad secessum disponat, a renum postmodum colo sepa-
randas, simili ratione ac ☐i lacti, aut cum ☐is ★ci
sanguini instillatum, utrumque autem coagulatione immu-
ne aut fluxile magis reddat.

§. VI.

Quæ tamen Hypothesis pariter multis premitur diffi-
cultatibus, quatenus nullum datur ☐ alcalicum, sive fixum
& lixiviosum, seu volatile & urinosum in rerum natura, nisi
quod △ aut putredo produxerint: quorum tamen agen-
tium neutrum in corpore animali vivo admittere possu-
mus; imprimis cum non de ☐e lixivioso l. urinoso sed de
enixo falso & ☐i ★co vel ☐o simili renum fracedo & odor
testetur, prout inferius constabit. Præterea & in dubio re-
linquitur, an ranciditatem & falsedinem illam ☐a a renibus
horumve fermento, an hi a sero & sanguine recipiant? &
quidem eo magis, cum ipse Willisius paulo ante dixerit, lo-
tium falsedine imbutum, dum renum meatus perluit, par-
ticulas salinas iis affricare, proindeque odore seu oblini-
mento quodam lixiviali eos inficere. Imo rem ita se ha-
bere i. e. renes falsuginem & fracedinem ab ☐a potius mu-
tuari,

(v) Pharmac. rat. part. I. Sect. 4. c. 1.

(w) Fundam. Medicin. veræ pag. 104. §. 5.

tuari, nullumque proprium fermentum possidere, tria evincere videntur phaenomena quotidiana observationis, quorum primum; quod ☐ recens natorum nullam aut vix sensibilem graveolentiam spiret, quibus tamen pra aliis ejusmodi fermentum quam maxime necessarium foret; Alterum quod ☐a a largiori hausto pota excreta, parum aut nihil odoris ac saporis a renibus excipiat; tertium, quod defunctorum renes a residuis feri sanguinei molleculis, mediante crebriori ablutione liberati, facile foetorem exuant. Nec Θia illa fixa & volatilia in serum tantum ∇eum, sed gelatinosam & purpuream sanguinis substantiam agunt, easque simul dissolvunt, alias enim nihil potentiae sanguinem deliquandi haberent: Ergo easdem quoque in ☐nam tundunt quod absurdum & contra experientiam. Multo minus ejusmodi fermento praeservante opus erat corpori, quod sanguinem contra coagulationem tueatur, cum hic in statu sano & intra sua vasa fluiditatem naturalem haud adeo facile, ac extravasatus dimittat, & Helmontius etiam post mortem aliquamdiu sanguinem fluidum annotaverit. Nec plus fusionis ac attenuationis intra renes postulat ac exigit sanguis, utpote cujus partes serosae reliquis laxius & superficialiter tantum cohaerent; hinc sine fermento divellente & sola renum mechanica structura ab his disjungi & segregari valent, cum fermentorum activitatem vinculis tenacioribus tantum combinatae heterogeneitates desiderant.

§. VII.

Præterea etiam, ut cum Borello faciam; ejusmodi commotiones, rarefactiones ac ebullitiones, sine quibus nullus motus fermentativus concipi valet, intra tubulorum renalium angustias, & sub celerrimo & rapido ejusmodi motu, quo sanguinis massa per arterias fertur, fieri nequeunt. Vix enim fermenti penetrantissimi tanta est activitas; quæ sub tam exili mora & in adeo strictissimis tubulis vim suam sufficienter exeat, cujusque, si in rerum natura daretur, contactum renum substantia secrete possit &

& ex momentanea ejusmodi tantum actione fermenti & sanguinis massæ simile quid contingeret, quale quid in filtratione & transcolatione v. g. solutionis \odot i, Φ is &c. in tempestive adornata observamus. scil. si hæc similesve solutiones mox ab instillato præcipitante v. g. \ominus Φ i, aceto, filtro committuntur, haud retinentur, ab hoc præcipitanda seu secernenda, sed sub liquoris turbidi specie tota solutionis massa chartam bibulam permeat: pari ratione metuendum, ne semel præcipitata cum \square a renum colatorium transeant. Tandem quoque nulla fermentatio sine liberi aëris accessu nec animo quidem concipi potest, qui tamen, sicuti in omnibus corporis partibus ita quoque in renibus desideratur. Quamobrem tale fermentum, ens præter necessitatem multiplicatum videtur; cujus ortus incertus, locus dubius, neque in vasorum canaliculis, neque in fistularum renalium meatibus minimis, ob continuum fluidorum catholicorum transitum stabilis est.

§. VIII.

Malpighius, nullum equidem renibus proprium concedens fermentum, nihilominus præter horum structuram & apparatus mechanicum, perpetuam sanguinis fermentationem, secretorio huic muneri litare autumat, utpote qua solutæ & liberiores redditæ salinæ & aqueæ particulæ ab occurrente organorum structura facilius excipiuntur & a reliqua massa sequestrentur. Cui supposito, in hoc quidem prompte subscribendum, quod, quemadmodum in omnibus concretis, præprimis fluidis, motus quidam intestinus partium, si non elementarium certe integralium, concipi debet, per quem tamen species & forma misti non mutetur, ita nec sanguini ille denegari queat, qui habilem eum reddat pro dimittendis particulis separabilibus: talis autem non separat strictius combinata, multo minus, ut superius proluxius differuimus, fermentationis titulum meretur.

§. IX.

Nulla ergo digestio, nulla præcipitatio, nulla fusio neque

que fermentatio ad □æ secretionem facere videtur, sed sola mechanica renalium tubulorum figuratio hoc munus absolvit: quippe hi æque ac venæ & vasa lymphatica, ab arterioliis anastomoseos beneficio immediate originem ducunt, unde non potest non arteriosus sanguis vibratione cordis per arterias emulgentes impetuosius impulsus intra horum furculos capillares primo attenuari, mox autem ad tubulos renales, venas & vasa lymphatica adveniens à se invicem discerni, ita, ut serum urinosum a reliqua massa, cui simplici contactu & laxius duntaxat adhærescit, decedens, per renales tubulos justo diametro præter effœtum excrementitium serum ipsorum figuris accommodatum, nihil admittente, gaudentes, percoletur, lymphæ autem per sua vasa in renum nutritionis gratiam devolvatur, venoso tandem sanguine ad venam cavam refluyente. Quam actionem, uti supra jam dum monitum fuit, haud parum facilitare videtur, serum tubulos renales occupans, cui ex alluente sanguine, similis naturæ particulæ accedunt, & pedetentim per tubulos urinosos devolvuntur.

§. X.

Adhuc alii in ea versantur opinione, tubulos renales nulla sensibili cavitate esse donatos. Cujus asserti tamen contrarium injectio clare docet. Nam si in arteriam emulgentem □m tepidam vel saltem ▽m fervidam syringis beneficio infundamus, liquor injectus brevi, partim per venam, partim per ureterem abscissum redibit, luculento argumento, tubulos renum esse pervios, eosdemque cum arteriis arctum alere commercium. Licet non negemus majorem injecti liquoris portionem, per venam reflueri, ac per Ureterem profilire soleat. Cujus phænomeni rationem non nulli fermento morte destructo explicant, cui tamen solvendo multo magis inserviet, primo, quævis colatoria non quibusvis colandis appropriata existere, ut sudor ▽eus docet, qui per cutis poros, non vero sanguis, cui ille antea permixtus erat, penetrat: item pori lignorum ▽m solam, non aërem nec §ium transmittunt, quamobrem

obrem non mirandum, cur renes fluido urinoso saltem accommodati ∇ m fontanam aut fluvialem haud transmittant: deinde facile concipi potest, multos meatulos & poros, in vivis animalibus patulos atque apertos morte non tantum immutari, constipari & tono suo vigoreque naturali privari, sed sub experimentis quoque ejusmodi in animalibus vivis adornatis & torturis martyrum anatomicorum distorqueri ac obturari adeoque hoc nomine saltem secretionem renum, sine fermenti ficti extinctione turbari.

§. XI.

Nec parum difficultatis translocationi huic mechanicæ illud afficit, quod Malpighius quoque miratur; nimirum quod cum \square a in statu sanitatis particulæ Θ no- Δ reæ, ac consimiles, imo in statu præternaturali heterogeneitates ejusmodi, quæ cum naturalibus ejusdem figuræ, hinc poris renum adæquatæ, vix conferri poterant, excernantur, nempe sanguis congruatus, pus aliaque totius corporis recrementa extraordinaria, ut illa quæ toto genere præter naturam, mittam; pro quorum diverso appulsu amplitudinem & configurationem porulorum renalium frequentius immutari, necesse foret, quod nihilominus absurdum.

§. XII.

Borellus autem hunc nodum solvit, & primo quidem quoad corpuscula salina scil. ∇ æ guttulas, quæ illa exceperunt, nihil suæ figuræ mutare, quin easdem porositates, quas ∇ dulcis subit, ∇ a etiam Θ e turgida penetret, non aliæ tincturæ ∇ æ admixtæ, quatenus ligni & carniū poris pari felicitate ∇ m simplicem & Θ sam se insinuare observamus. Unde haud mirum, \square m Θ ibus turgidam fistulas urinosas penetrare, non vero sanguinem, utpote cujus textura à sero salino longe distat: Et quia Δ reæ partes non nisi Θ inis atomis involutæ, \square m tingunt, illas harum quoque ductum facile sequi. Quod vero in statu morbofo, pus aliaque recrementa morbofa sine sanguine fluido emingantur, ratio est, quod meatus renum ordinarii, extraordinarie non nunquam dilatentur, pari ratione, ac natura

turam meatus alios, alias exiliores, pro heterogeneitatibus molestis eliminandis ad tempus ampliare constat, v. g. in hæmorrhagiis narium criticis ac symptomaticis, fluore mensium, hæmorrhoidibus &c. Id quod si sine figuræ, v. g. rotundæ mutatione contingat, ampliati canales alia etiam admittant recrementa, quorum minima ejusdem figuræ, licet majora, imo etiam quædam diversæ figuræ modo minora; non vero ramosas sanguinis moleculas, nisi forsitan arteriola vel vena lacerata seu disrupta, sanguinem simul ad pelvim deponere contingat.

§. XIII.

Quæstio præterea a Malpighio movetur: Cur non omnis urinosa substantia simul secernatur? quod tamen si ex configuratione vasorum renalium sola talis secretio contingeret, neque illam, per fermentationem quandam intestinam prius ad secessum disponi, necessarium foret, fieri haud posset. Ad quam Borellus respondet, non omnem sanguinem simul ad renes ferri, sed maximam ejus partem illos præterlabi: Verum haud ex assè satis fecisse videtur huic dubio, quatenus etiam ille sanguis, qui renes transmeavit & per venas emulgentes redit, sero & Sibus adhuc inquinatus, deprehenditur. Unde potius dicendum, magna est sanguinis copia, quæ ad repurgandam per renum substantiam pellitur, tubuli autem renales sunt exiles, & non pares ad omne serum absorbendum: imo portio quædam feri urinosi reliquis massæ particulis gelatinosis arctius adhuc implicatur, ut per urinosum cribrum colari & a reliquis mox sub primo impulsu avelli nequeat. Quid quod ad sanguinis fluiditatem, æquilibrium & intestinum motum conservandum, non possunt non quædam serosa particula remanere, quo ille commodior, per venas ad cor tendens, refuere queat.

CAP. IV.

DE VLTERIORI SECRETÆ VRINÆ
PROGRESSV.

§. I.

REdeamus autem nunc e diverticulo in viam & seri excrementitii ex renibus ulteriorem motum ad vesicam prosequamur. Urina enim tubulis renalibus excepta, pedetentim ad internam renum cavitatem infundibulum seu pelvim dictam exprimitur, non quidem tam per motum diaphragmatis inspiratorum & musculorum abdominis motus reciprocos, utpote qui solidiori renum compagi comprimendæ minus sufficiens, quam per sanguinis arteriosi continuum appulsus, qui novum apportando serum, pristinum ex tubulis renalibus urget & extrudit; unde hic a Borello non adeo inepte causa □æ efficiens dicitur. Neque etiam mechanicis legibus refragatur, easdem arteriolas, renum compagi intertextas & a reciprocis cordis pulsibus dilatatas meatulos □æ secretorios, repetitis ictibus comprimere, adeoque serum impactum per eorum oscula exprimere atque propellere.

§. II.

Hoc ex pelvi per uretes successive, ad vesicam tanquam matulam publicam, destillat, non tantum ratione molis & gravitatis propriæ, sed eorundem ureterum motus peristaltici seu constrictionis, successive, quam tunica eorum fibroso-carnea præstat. Ita ut vasa hæc non solum □æ canales concedere, sed ejusdem quoque descensum per fasciculos suos musculosos horumque tendineas intersectiones juvare, palam sit.

§. III.

Hucusque itaque consideravimus partes urinæ secretioni destinatas, monstravimusque ejusdem consuetum tramitem ad renes & ex his per ureteres ad vesicam. Solent tamen nonnulli adhuc ambigere, de aliis viis breviori-

bus ad vesicam. Namque Physiologi plerumque □nam in potus & sanguinis urinam dispescuere, animadvertentes potulenta uberius atque præcipitantiùs hausta imprimis jejuno ventriculo paulo post □nam deponendam sine ulla cordis alteratione tamen urgere, quamobrem circuitus hic a ventriculo ad renes ordinarius prolixior iusto ipsis videbatur, hinc de breviori & assiduo magis tramite solliciti erant, eumque modo conjiciebant, modo quasi satis perspectam fingeant.

§. IV.

Asclepiades enim & Paracelsus, serum urinosum, cœco modo in vesicam duci, credebant, ac si in halitum prius resolveretur, transudaret & postea in humorem priori similem concrederet: quem errorem tamen ipsis in anatomia & physiologia exiliter versatis facile ignoscere possumus. Willisius vero arbitrabatur □nam per tunicas ventriculi spongiosas filtrari, quam filtrationem tamen minime concipere licet, vel quod substantia illarum ∇litatibus serosis minus adæquata existat, in tanta copia, quanta nonnunquam matulam replet □a, intra breve adeo temporis momentum, transmittendis: vel quod ventriculi involucra renumque vasa & compagem nulla intercedat continuitas, per quam tanquam per gossypium serositas ejusmodi huc derivari queat. Pariter idem Willisius & Swalve, venas gastricas huic muneri translatorio destinant, quod tamen quoque haud exiguum vanitatem olet, & vix compareret discrimen inter hanc viam extraordinariam & ambitum solennem, quatenus si fluidum hoc ventriculi venæ assumerent, prius interveniente Portæ vena & epatis substantia ad cavam, cor, pulmones, denuo ad cor & ab hoc demum per aortam ad renes devolvi deberet.

§. V.

Nec vasa lactea ad arteriam emulgentem, a Bartholino visa, pro viis adeo tritis admittere concedit autopsia: potissimum cum illas nunquam, nisi de lacteis thorac. (x) teste-

testetur, imo defens: Vascor. lymphatic. contra Riolan. potius aut ex Pecqueti tantum observatione supponat, aut præter naturales & Diabeticis saltem patulas auguretur, aut aliis in locis ex vicinitatis duntaxat jure & phænomenorum collectione breviorē aliquem trajectum suspicatur. Eorundem lacteorum ad renes succenturiatos declinatio, quam Crucius (y) & Niloe (z) fingunt, etsi avtopsiæ responderet, minime tamen rectam magis viam monstrat, eo quod, quicquid ad corpora hæc deponitur, ad venam emulgentem & cavæ caudicem derivetur, & quem a capsulis illis ad externam renum tunicam, hincque ad ureteres, posteriorum horum scriptorum sibi concipit decubitus, multis adhuc involvitur iisque crassis difficultatibus. Denique nec Gallorum v. g. Gayant Chirurgus Parisiensis & Billius, illa, receptaculi & canalis chyli ferri cum venis emulgentibus inosculatio aliquid lucis permittit: quatenus quicquid ad venas has deponitur, non nisi interveniente pulsu cordis & arteriarum renes appellit.

§. VI.

Quantumvis hæc & similia veterum ignorantiam, tum anatomicam tum physiologicam sapiant, nihilominus tamen experimentum cujus Anonymus ille Gallus (a) meminit, breviorē viam haud obscure confirmare videtur: In cane enim vivo inciso & □a omni ex vesica expressa, ureterem ligavit, & confuto animali tribus horis elapsis, vesicam □a rursus repletam animadvertit; quamobrem lotii aliquam portionem ex ventriculo & intestinis, neglectis renibus, per obscuros quosdam meatus immediate magis ad vesicam derivari, credit; Huic etiam Diemerbrœckius subscribit, referens, ejusmodi vasa lactea, quamvis nec visui conspicua, nec ab ullo adhuc anatomico demonstrata fuerint, ex intestinis tamen ad vesicam porrigi, quod non solum odor sed & assumptorum color in □a
clare

(y) Epistola Deuslingio dicata.

(z) De fermentatione & nutritione.

(a) Transact, anglic. No. 65. & 67.

clare doceat, & has vias in quibusdam paucis adeo esse patulas, ut non tantum chylum lacteum & serum copiosius, sed res quoque solidiores devoratas, v. g. aciculas, semina &c. transmittant.

§. VII.

At enim vero odor atque color assumptorum qui in excreta □a in conspectum veniunt, nullam breviorē viam demonstrant, cum per renum quoque compagem aliquid texturæ hujus tingentis odoriferæ liquores hausti transferre possint, habitui corporis quoque trameat, ac sudores eadem imbuant, ut experientia quotidiana confirmat: Sulphureæ enim particulæ in sanguine occultatæ, in □a & sudore evolvuntur & exaltantur, unde non possunt non iisdem specificum odorem conciliare. Neque lactea □a extraordinarios meatus exigit, dum eosdem canaliculos renales, quos justo laxiores interdum sanguis permeat & □am cruentam efficit, chylum quoque transmittere rationi haud contradicit. Pro aciculis vero similibusve toto genere præter naturam transmittendis, peculiare via haud sunt fingendæ, sed aut solius naturæ extraordinarie agentis, aut præter naturales illæ erunt dicendæ: in quibus admittendis Diemerbrœckius facile quoque observatur.

§. VIII.

Quod autem ad illius Galli experimentum spectat: hoc non semel sed aliquoties Langius aliique sanum falsumque experti sunt. Ligatis enim ureteribus, post plures etiam horas nihil unquam □æ in vesica, canales tamen dictos aliquando cum renibus tumidiore hancque corrugatam deprehendere. Serum autem quod forsitan, minori tamen quantitate in vesica fluctuavit, nulla □a sed lymphæ glandularum tum ureterum tum ipsius vesicæ fuisse, rationi & autopsiæ haud repugnare videtur. Et quantumvis urinaria vesica ejusmodi pororum figuram sit nacta, ut ex animali exempta ∇m affluentem imbibat, uti observamus si vesicam ligatam & Θe ∇ri repletam in ∇m projiciamus, ubi intra breve tempus, Θ in deliquium solvitur, dubitatur tamen